

影印

文淵閣四庫全書

第一〇九八冊

北京出版集團公司
北京出版社

本冊目次

淨德集	宋呂陶撰……………一
安岳集	宋馮山撰……………二八九
元豐類藁錄	宋曾鞏撰……………三四五
附龍學文集	宋祖無擇撰……………七九一
附源流始末	宋祖行編……………七九一

欽定四庫全書

集部

淨德集卷一至三

詳校官庶吉士臣馬履泰

檢討臣何思鈞覆勘

總校官舉人臣章維桓

校對官檢討臣王福清

謄錄監生臣李晉

欽定四庫全書

集部三

淨德集

別集類二宋

提要

臣等謹案淨德集三十八卷宋呂陶撰陶字

元鈞號淨德成都人皇祐中進士熙寧間復

登制科歷官給事中改集賢院學士知陳州

紹聖末坐黨籍貶徽宗初復集賢殿修撰知

梓州致仕卒事蹟具宋史本傳陶秉性抗直

欽定四庫全書

淨德集

遇事敢言所陳論多切國家大計其初應制

科時值王安石方行新法陶對策言願陛下

不惑理財之說不間老成之謀不興疆場之

事安石讀卷神色頓沮神宗使馮京竟讀稱

其有理而卒為安石所抑僅得通判蜀州其

知彭州力陳四川權茶之害為蒲宗閔所劾

謫官其召用於元祐初又極指蔡確韓縝章

惇等之罪請亟加罷斥其他建白至多大抵

於邪正是非之介剖析最明而據理直陳絕
無洛蜀諸人黨同伐異之習嚴氣正性與劉
安世略同至哲宗親政之始陶首言太皇太
后垂簾九年小人不無怨憾萬一姦邪之人
謂某人宜復用某政宜復行此安危之機不
可不察其後興紹述之說卒應其言其深識
遠慮亦不在范祖禹下故其所上奏議類皆
暢達剴切洞悉事機蔣堂以賈誼比之良非

虛譽其餘詩文亦多典雅可觀至學論二篇
力攻王氏字說不遺餘力尤為毅然自立不
附合時局者矣宋史藝文志載陶集六十卷
久無傳本其得見於世者僅宋文鑑所載請
罷黃隱一疏今就永樂大典各韻內採掇裒
輯分類編次釐為三十八卷雖以史傳相較
其奏疏諸篇或載或闕其應制科策一首不
可復攷未必能盡還舊觀然已什得七八所

闕者固無幾也乾隆四十九年十月恭校上

總纂官_臣紀昀_臣陸錫熊_臣孫士毅

總校官_臣陸費墀

原序

嗚呼靖康丙午之禍奚為而至是極哉熙寧當國者患時舒緩不振大為理財拓邊之規諸老臣不可則援引少年銳于事者慫慂附和而小人徧中外矣雖然自熙寧至宣和五十年間累聖賢明固嘗用賢士大夫而俱無改絃易轡之調何耶夫一薰一蕕十年猶有臭邪正並用則小人卒以得志故也元豐間棄置王安石者八年有悔意矣而執政皆其徒也元祐克成先志內君子

欽定四庫全書

淨德集
原序

外小人天下稱治矣而永年乃用調停之說使其徒廁執政之列紹聖遂熾然而作也逮中靖國固已並用無何愛莫助之之圖行政元崇寧蔡京當國善類殲焉不可復措手矣中間雖一再罷京用趙挺之張商英輩皆一出一入之人何能為哉是以五十年間有為之君子皆以邪正並用竟墮小人網罟中良可歎已吾鄉有給事呂元鈞者以賢良召試于熙寧初極論理財拓境之非雖為外官必行其言無所顧望暨召用于元祐則專

以判別邪正為事雖去國猶丁寧反覆言之今以遺文攷其議論但不使小人居中撓政非有許斥僂辱之甚激其狠毒之性至齊類之失亦不訖之其用心如鑑之照如四時之生殺各因物之所當得者與之而物之受之也無怨亦無德焉其守道如此使得大施用于世亂何自作哉公于紹聖坐黨事貶湖南後守潼川拜崇寧改元詔即乞身而歸遺令不作碑志休影滅迹故崇寧以後追貶不深而復官亦不及是又能以明哲自全者

欽定四庫全書

淨德集
原序

然至今卹典未及無身後之澤而名不登于太常史院雖公輅臨本志無所事此而一世明德嘗登禁從後世無傳焉此有係乎國體者子孫之責亦鄉士大夫之責也是以諸孫出其家集使著于世云成都馬騏序

宋 呂陶 撰

奏狀

奏乞放免寬剩役錢狀

原註熙寧十年三月十日

臣伏以朝廷欲寬力役立法召募使民均出傭錢雇人應役即無過歛民財之意有司奉法惟恐不能足用遂于一年合支役錢數外增添科出謂之寬剩蓋欲準備

欽定四庫全書

淨德集卷一

修葺橋道廨舍并買置什物之類官中逐年支用雖少民間兩科所出甚多自熙寧六年施行役法以來至今四年臣本州四縣已有寬剩錢四萬八千七百餘貫今歲又須科納一萬餘貫以成都一路計之無慮五六十萬推之天下現今約有六七百萬貫文寬剩在官歲歲如此科出不已民間何以送納況今泉幣絕乏貨法不通商旅農夫最受其弊蓋是現錢大半入官市井少有轉用臣愚深恐朝廷不知免役錢外有此寬剩數目伏

乞聖慈指揮諸路提舉倉司契勘現在寬剩錢數約度支得幾歲不至闕乏需發德音特與免數年或乞逐年限定數目不得過役錢十分之一所貴民力不至重困

貼黃

朝廷如以臣言可采只乞下司農寺取索今日以前天下支役錢外寬剩錢數便見利害

又

臣伏見二年以來川中見錢絕少物價減半銀每兩

欽定四庫全書

淨德集卷一

絹每匹各只直一貫四五百文米每石一貫二三百文其如免役并寬剩錢並依舊數送納比之熙寧六年所出即似加一倍若不契勘除減深恐民間不易奏為役錢乞搭二分準備支用狀

臣伏覩近制役錢寬剩不過二分此朝廷撫惠元元之意最為深厚然於法禁所未盡不免重歛蓋有司奉法太過條目滋蔓於雇役錢外尚有數等如耆戶長不雇而斂則有椿留錢橋道廨舍之類數年一修而逐年

計費知縣簿尉三年一替而每歲計署中什物則有費用錢非泛差出役人及起發雇人則有準備錢此外方始謂之寬剩且如成都一路每歲只合支募役雇食錢四十萬六千二十四貫又椿留者壯錢五萬七千六十二貫又椿雜支錢二萬二千九百八十六貫又椿起雇人錢一千貫外更有寬剩一十二萬八千六百餘貫其雙流一縣每歲只合支雇役錢九千三百二十餘貫更椿費用錢二千三百七十餘貫外方有寬剩錢二千八百九十餘貫以此考究則雖云寬剩不過二分其實不止于二分矣臣愚伏乞聖慈指揮諸路提舉司除實支雇役錢外更出二分椿為寬剩應係準備費用等錢并于寬剩二分內支破如此則朝廷實惠均及生靈有司奉法不敢重斂

貼黃

華陽縣昇仙橋一所役法估計每修一次斂錢一百貫十二年中偶有損壞支三十貫修葺則是一千一

欽定四庫全書

淨德集
卷一

三

百七十貫虛斂入官皆為寬剩推之他處計亦如此多矣

奏具置場買茶旋行出賣遠方不便事狀

原註熙寧十年

三月八日

今具本路置場買茶往熙河博賣并盡權諸州茶貨入官便收三分利息旋行出賣致令細民失業枉陷刑憲大子遠方不便謹具畫一條列如後

一臣伏以國家富有四海山澤之利多與民共自仁

欽定四庫全書

淨德集
卷一

四

祖臨御以來深知東南數路茶法之害制詔有司一切弛放任令通商貨法流行德澤深厚聖時盛事高出前世今天下茶法既通而兩川獨行禁權此蓋言利之臣不知本末苟貪勞賞而妄為之非所以綏靜遠方之意況乎兩川所出茶貨較北方東南諸處十不及一日月行照文軌混同法無二門仁不異遠豈可諸路既許通商兩川却為禁地虧損治體莫甚于斯乃為害之大者故臣敢先言之伏望聖慈特寬茶

禁所貴法令平一以幸遠方

一本路既為置場買茶將往熙河等處并逐旋取利
出賣之後更不許民間私買賣遂令諸色人告捕
依編敕禁權茶法斷罪州縣承此指揮來累有成都
府邛州百姓馬吉等為衷私賣茶被人告捕有至徒
罪各追賞錢一路之民遂生怨誹蓋緣立法太重有
害于人大凡官中原有之物民間私侵其利方是犯
禁只如解州有鹽池民間煎者乃是私鹽晉州有礬

欽定四庫全書

淨德集
卷一

五

山民間煉者乃是私礬今川蜀茶園本是百姓兩稅

田地不出五穀只是種茶賦稅一例折科

原註茶園稅每三百

文折納絹二疋三百二十文折納絹一疋
十文折納綿一兩二文折納禾草一束役錢一例

均出自來採茶貨賣以充衣食伏緣此茶本非官地

所產乃是百姓已物顯與解鹽晉礬事體不同一旦

立法須令盡賣與官或敢私相交易便成犯禁斤數

稍重乃至徒刑仍沒納隨行物色別理賞錢恭惟陛

下仁聖卹物之心必不如此伏乞別立條約以救苛

刻之弊免使刑辟滋彰有傷和氣

一本州導江縣蒲村壩口小唐興木頭等鎮各準茶
場司指揮盡數收買茶貨入官並已施行民之受弊
大率均一惟導江縣一處尤為切害蓋緣本處是西
山八州軍隘口自來通放部落入城博易買賣其蕃
部別無現錢交易只將到椒蠟草藥之類于鋪戶處
換易茶貨歸去喫用謂之茶米或有疾病用此療治
旦暮不可暫闕今來官中須要現錢出賣則蕃部難

欽定四庫全書

淨德集
卷一

六

更將椒蠟等物入場博買若于鋪戶處博易則鋪戶

價例自然增長

原註官茶每斤先收三分息錢官中
每斤若用一百文買即作一百三十

文賣若用五十文買
即作六十五文賣蕃部買賣便致阻節沉茂州事

宜之後人情方始安帖豈宜更使茶貨不通別生邊

事

一茶園人戶多者歲出三五萬斤少者只及一二百

斤自來隔年留下客放定錢或指當茶苗舉取債負

準備糧米雇召夫工自上春以後接續採取乘時高

下相度貨賣中等每斤之利可得二十文次者只有

十文以來累世相承恃以為業其鋪戶收貯變易却

以白土拌和每斤之息不及十文所以川中茶價不

甚湧貴民間日用充足今來既被官中盡數收買價

直一定若將銀色準折每兩須高擡四五百文

開州熙寧八年銀每兩官折二貫三百文足市價一貫六文九年銀每兩官折二貫二百文足市價

一貫四或多支交子少用現錢原註茶場司指揮成

支現交子所支既多錢陌又須虧折則園戶所收茶

貨只得避罪納官安敢更求餘利一旦失業何以為

生臣恐戶口逃移賦役失陷漸由此起

原註臣竊知永康軍熙寧九年買獲並稅過客入茶貨共一百三十二萬餘斤

比八年計虧九萬餘斤比七年虧二十六萬餘斤蓋

是園戶畏罪失業造茶或少是致稅數又緣旋買旋

賣先抽三分之息只此一事極未為宜日來州縣逐

旬各申時估或增或減官司據以為定豈可朝買一

貫之茶暮收三百之利一日之內貴賤兩般則州縣

所供實直遂成空文有司出納之際乃同聚斂且鋪

戶既與官中出利則民間豈有賤茶日用之物漸見

不足錐刀敝法徒可斂怨必非朝廷理財之本意伏

乞聖斷特賜改更

一本州所準茶場司今年二月二十四日指揮限半

月令園戶鋪戶盡數出賣舊茶不得夾雜中官如限

滿更不施行如有違犯並依法施行臣雖即時行下

逐處然計其日限令至三月十日已滿緣民間累年

積貯茶貨準備高價相度變賣一旦偶因官中為買

新茶亦不預先曉示忽然責立近限令將舊茶疾出

速賣若出限未賣被人告捉斤數稍重即至杖脊安

有數日之內盡底變易得行舊茶因此大段減價無

賴小人輒有告捕之心臣尋具狀稱若只限半月令

盡數出賣則必是減落價例變轉不行消失錢本便

見失所冀慮纔出限日之後被牙子或別人告捕送

官枉陷深刑顯屬不便又緣新茶與舊茶色目不同

若將舊茶投稅出賣則與官中收買新茶事不相妨

本州須至申明欲令逐場一面收買新茶民間出賣
所有舊茶乞限至今年八月終曉示園戶并停場之
家盡將赴場投稅出賣令稅務公明聲說給引前去
破賣仍乞指揮逐處官司如有諸色人把捉到裏私
買賣茶貨切須辨認新舊如是新茶即乞依法施行
若是舊茶只乞罪在捉事之人所貴積貯舊茶之家
破賣得行不枉受罪兩次申茶場司未蒙指揮若不
許展限則貯積舊茶之家便見破蕩如此措置豈不

欽定四庫全書

澤德集
卷一

害民

一官中買茶明收三分利息方行出賣沿路稅錢盡
已批過更無分毫僥倖商旅與販必是細算不行難
以盡數販賣竊聞蜀州永康一處現今積壓茶五十
六萬餘斤在務臣料將來出賣不盡之後則必積壓
損壞虧折官錢若般往熙何亦悞邊計或仍舊停貯
則歲課不登難沾賞典建議之臣必須均勻配賣與
販茶之家如此則他日舖戶不勝其害伏乞指揮茶

場司具去年終已買及已賣數目申奏仍令分折現
餘茶貨若經隔年歲合如何變轉即自然見得此法
可與不可經久施用免令言利之臣有誤朝廷大體
右謹具如前所有茶禁不通細民失業刑辟太重最于
遠方不便事理並已條折如前臣竊見熙寧七年朝廷
遣李杞蒲宗閔入川相度買茶往熙河博馬等事當時
使者急于進用不察事體遂認定逐年息錢四十萬貫
應付熙河後來運茶積滯歲課不足即便孽畫却于彭

欽定四庫全書

澤德集
卷一

漢二州逐年收買挾布各十萬匹名為折當腳錢其實
將市井所得之息充入茶利自後又恐買布亦難數及
原數則乞雇回腳船車船解鹽入川泊至鹽法難行則
又乞將川中有茶去處並行收買前後乖錯非止一事
只是切欲功賞不卹民間弊病臣愚伏望聖慈特賜采
察所貴遠方之俗被惠安身至如官吏費耗道塗阻節
稅額虧損得不補失則臣不敢喋喋開陳以瀆天聽乞
以臣此奏下本路安撫轉運提刑司相度利害特賜施

行

貼黃

若蒙朝廷垂察即乞下本路取索熙寧八年九月分永康縣銀價比對茶場折銀貫陌自見有無侵損園戶免令將來高價折銀虧損本州賣茶之家

又

臣所謂得不補失者竊聞永康縣熙寧九年發茶三百馱往熙河除諸般費用及沿路批稅外計算每斤

欽定四庫全書

淨德集
卷一

十一

已是一百九十四文足其兵士請米猶在數外不知到熙河貨賣所得幾何如此事理亦乞朝廷體察

奏為茶園戶暗折三分價錢令客旅納官充息乞

檢會前奏早賜改更事狀

原註熙寧十年
三月十八日

右臣先為本路置買茶般往熙河并明收三分利息旋行出賣大于遠方不便尋具畫一條列申奏去訖愚瞽之言必已上達天聽臣伏見國家置市場司籠制百貨歲出息錢不過二分須以一年為率蓋為今年支出

官本一百萬貫至年終要見息錢二十萬貫即不是早

買一百貫物晚賣一百二十貫文今來茶場司却不以

一年為率務將重刑立法盡摧民間茶貨入官旋買旋

賣取利三分或今日買十貫之茶明日便作十三貫賣

于客旋或朝買一貫暮作一貫三百出賣日遂將官本

變轉殊不休已其公牒行下州縣乃云務令買賣通快

無致妨滯錢本則所出息比至歲終不可勝算豈止

三分而已比于市易原條自相違越竊緣茶是民間日

欽定四庫全書

淨德集
卷一

十一

用之物有如水火一旦忽被官司盡數收摧獨專其利仍以嚴刑過繩其罪遠方細民生長休息在朝廷恩德之內豈誠此事兼據本州棚口鎮茶場申自今月十日至十五日終遂旋買到茶八百八十六斤計本錢一百六貫三百二十文隨日出賣收到息錢三十一貫八百九十六文別無現在臣看詳上伴申報竊疑本處首尾六日之中買獲茶貨八百八十六斤隨日便賣了當並無現在存貯慮恐買賣之際別有侵損官私尋行體訪

乃是客旅并牙子等為見權茶不許衷私買賣一向邀
難園戶或稱官中高擡斤兩或言多方退難遂便于外
面預先商量減價其園戶各為畏法懼罪且欲變貨營
生窮迫之間勢不獲已情願與客旅商議每斤只收七
分實錢中賣于官所餘三分留在客人體上用充買茶
之息纔投場中賣了當即時却是客人明立姓名正行
請買所以隨日賣盡

原註假如茶一百斤每斤合賣一百三十文計價錢十三貫其園戶

既被邀難恐動情願只作十貫賣與官場即時却是客人納錢一十三貫請買文憑雖正情弊則深如此

欽定四庫全書

卷一

三

則是園戶只得七分價錢暗折三分官中雖得三分之
息自是園戶本錢客人未會出息竊緣山鄉人戶自來
以採茶為業輪納兩稅折科最重並出役錢養生之計
並在其間一旦既遭禁權遂被商旅并牙子等恐動邀
難頓減三分價直行之日久必見窮困誠可嗟憫其如
逐處買茶官司多是畏懼茶場司威勢務欲買賣通快
出得息錢度可免罪以此互相欺誣不敢申陳臣伏謂
園戶是國家兩稅土著之民今來被好利之臣設此弊

法要出息錢却令商旅生奸侵損兩稅人戶最于遠方
不便又况隨日計利殊無分限顯是違越市易原條伏
乞聖慈檢會臣前奏特降指揮下本路安撫轉運提刑
司體量詣實早賜改更庶使王澤不壅可救大弊

貼黃

若官中實于客人體上收得息錢三分則尚恐貨法
不通民受其弊而况自是園戶暗有賄折其買茶之
人原不出息豈得穩便

欽定四庫全書

卷一

五

奏為官場買茶虧損園戶致有詞訴喧鬧事狀

原註

熙寧十年四月二十四日

今再具官場買茶取息太重虧損園戶致有詞訴及生
喧鬧畫一奏列如後

一據九隴縣稅戶党元吉等狀稱自來相承山壩茶
園等業每年春冬雇召人工薅剗至立夏并小滿時
節又雇召人工趁時採造茶貨逐日收來壩口投場
貨賣得錢收買糧食每一稱和袋一十八斤內除出

上件破用并輸稅免役等錢折除算計外每稱只有利息一百五十至二百文以來往年早茶每斤貨賣得九十至一百文今來官中置場收買每貫上出息錢三百文招誘客人貨賣其茶牙子并與販客人為見官中息錢却只于茶園人戶茶貨上估定價例低小每斤賣得一百文以來者現今只賣得六十至七十文却將餘上價錢令客人用作官中息錢收買前去以此園戶盤費不足念元吉等家各只有此小茶園並不種植得諸般苗色又為路途遙遠往復相去本場約一百五十里以來若此價例低小難以造作茶貨必見破敗伏乞指揮貴獲存濟

一據九隴縣稅戶牟元吉等狀稱自來只以佃食茶園為業其茶園偏峻不任種植諸般苗色逐年舉取人上債利糧食雇召人工兩季孳刻指望四月小滿前後造作訖茶投場破賣得錢填還債利并送納諸般稅賦若遇豐熟之年米價平和每袋上除折上件

盤纏輸稅外上頭只餘得利息一二百文或遇年辰較惡米糧價貴天時亢旱茶生短淺以此數目減少虛折孳刻盤纏今蒙官中置場收買園戶茶貨每貫上出息三百文其茶每稱和袋十八斤牙子只稱作十四五斤若是薄弱婦女賣時只稱作十三四斤以來每稱約陷著一二斤別無上頭利息心極憂惶昨蒙提舉推官躬親在茶場內看覷收買茶貨不與園戶分孽逐處茶場時候早嫩粗細等第色額只作一

樣收買去年時節每斤賣得七八十文今來只賣得五十文除牙子錢了收得四十七文所有餘上錢數令客人用作官中息錢收買不管園戶裏纏不足若不具狀申請竊恐將來轉見淪亡失所本州所據元吉并牟元吉等二狀尋行遣帖堀口茶場鈐束茶牙子並專攔等不得準前大稱園戶茶貨及剝除園戶牙錢仍仰常切點檢茶貨粗細等第色額一依自來價例收買并申茶場司更乞措置免致虧損園戶

去訖

一據堀口茶場申據至德山人戶將到炭焙新茶赴場中賣後却出納三分息錢收買請引出外貨賣又申自三月二十一日至月終買得第二等新茶並是園戶馬吉等情願出納息錢請引前去

一據蒲村茶場申本場逐日據園戶將到新舊茶貨赴場隨日收買出賣內有園戶自出納三分息錢請引前去破賣亦有客人在外與園戶商量價例了却

欽定四庫全書

淨德集

卷一

于園戶處除下息錢投場收買請引前去不虛

一據九隴縣園戶石光義等狀稱今月五日將到茶貨投場破賣每袋計一十八斤和袋不委茶牙子除折只稱得一十四斤其茶係第二等每斤合準直價錢九十文當日減下價例每斤只收得大錢四十七文至到十三日其茶每斤係第三等合準直價錢七十七文每斤又再減價例又只作大錢三十七文今來茶牙子收光義等茶貨比前山下路人戶粗茶一樣

減下價錢念光義等住處係在後山為地土寒冷以

此至小滿前後只造作得似前山第一等第二等茶貨現在委的不依每年逐時等第價例一樣取意團斷即光義等各為雇召人工每日雇錢六十文并口食在外其茶破人四工只作得茶一袋計一十八斤切慮光義等家向後必有失所乞指揮本州所據園戶石光義等陳訴虧價事理已帖堀口茶場仰檢詳承受前後所降敕條指揮候茶園戶將到茶貨赴場

欽定四庫全書

淨德集

卷一

中賣請監官當面看驗前山後山色額等第粗細依自來市色實直粗細逐時市價添減兩平稱來收買畫時當官支給價錢即不得容令牙子專攔等依前低作價例只作一等茶貨收買及非理大稱斤兩致有虧損園戶無致攤併阻節仍仰出榜曉示園戶知委如受此指揮後却將好為惡將貴作賤只作一等價例收買致令園戶再有詞說或因本州察探得知其牙子專攔等必當勾遣赴州報勘施行官員亦當

勘劾聞奏仍取責監官并牙子專擱等知委仍仰本場分析今月十三日因何將石光義等第三等茶每斤只作三十七文收買因依并兩次申茶場司更乞措置免致虧損園戶去訖

一據管勾堀口茶場秘書丞尹固並濛陽主簿同共買茶薛翼等二狀甲今月十七日收買茶六萬斤計錢三十六百貫文支用茶本淨利錢併盡遂于十八日申州乞相度支移交子六十貫文應副十九日并

欽定四庫全書

卷一

十九

二十一日市收買茶貨至十九日天色纔曉據園戶將到茶貨赴場中賣當日已時後固等為現請交子未歸兼更值雨遂向園戶道請交子相次回歸及等團圍固等須要稱茶及向牙人道爾等當時通出抵產在官今來官中無錢買茶你牙人須著與我出錢買茶一市固等各回解字及安下處主簿薛翼行至淨象院門其園戶却致打本官手下公人兼搗破薛翼袍袖更尋牙人意要相爭其牙人為見如此各自

迴避現不住差人四散尋覓固等切恐二十一日市別牙子買賣茶貨又慮園戶準前爭鬧別致不慮係屬人衆難為止約乞差九隴縣官一員赴茶場告諭園戶三五日所賣晚會本州所據尹固薛翼申報尋體訪得今月十九日有園戶五千人以來投入茶場直上監官廳上止約不得致打公人并毀罵官員蓋為劉佐等起請須要旋買旋賣出息三分其逐場若盡價收買到恐客人興販無利將來出賣不行以此

欽定四庫全書

卷一

二十

須至低估價例收買每斤委只及一半價錢又緣逐日買及數萬斤監官實難照管得盡其園戶既被虧損無可申訴遂便聚衆喧鬧人數頗衆難為約束今來後山正當茶貨出衆時節切恐少錢收買準前爭鬧當州勘會前後六度支與堀口茶場交子現錢一萬一千二百餘貫銀一千兩其銀為園戶不肯折請已分與九隴等縣出賣又為市井絕無現錢因是貨賣未得外餘茶場司先撥交子一萬貫文至今未到

若得上件交子盡數支用亦只買得三兩市

原註在州現今

實直第二十七界交子賣九百六十茶場司指揮作

一貫文支用第二十六界交子賣九百四十茶場司

指揮作九百六十文用此

亦虧損園戶之一端也本州雖已出榜嚴行約束

指揮本處候園戶將到茶貨赴場即便依次稱來收

買如是園戶準前要致打公人等或毀罵官員仰擒

捉送州待憑取勘依法施行兼差九隴主簿勾龍驤

前往曉諭同共買賣茶貨切慮園戶準前喧鬧別致

不虞又差本縣令薛高三五日一次在前照管尋申

欽定四庫全書

茶場司催促交子並乞大段支錢赴州應副使用及

令檢會本州今月十七日申石光義等告說虧價事

理許令添展價錢去訖

右謹具如前所據茶園戶党元吉等狀并蒲村棚口兩

鎮申述並已條列在前臣伏見劉佐李杞蒲宗閔等妄

陳愚見苟希進用盡將川茶禁擅販賣立法太重

取利太多致令茶戶被此深害遂于今年三月八日後

來兩次具狀諭奏乞賜更此弊法以幸遠方狂瞽之言

未蒙採納方且日俟朝旨俯就誅殛而臣部內百姓累

有申訴皆言被官場減下價例大有侵損以至嗟怨聚

衆喧闐臣雖嚴行約束及差官同其管勾須得相度茶

色添長價錢去訖今若隱而不言慮恐因此生事上誤

朝廷須至再具論列煩免聖斷蓋緣劉佐等起請要出

息三分若逐場盡價收買之後將來商旅計算不成不

願與販則積壞茶貨例被責罰及干連人必著賠填以

此須至順承茶場司風旨減價收買所貴客人願來興

販變轉得行

原註假如茶一百斤每斤一百文若便作

買以此減下園戶價錢只作七貫或是園戶自納三分

文收買便于客人作十貫文請買

息錢請引出外

原註園戶茶貨須得中賣于官若欲別

須至自納息錢情弊如此上下通知茶場司臣僚恐出

息不多難沾賞典空行文牒督迫州縣其實則任令減

價收買逐場監官畏懼茶場司威勢恐遭責罰于繫人

衆深慮將來積壓賠填一向剝削園戶州縣之吏熟視

疾苦無力以救之日久為害轉深恭惟陛下仁民愛物

與天地等風夜孜孜講求治要惟恐一失未得其所必
不容此刻薄小人苟希勞效作為做法以困西南生聚
有累聖政衆所不平臣愚伏望聖慈檢會臣今年三月
八日并十八日及今來所奏早賜睿斷特降指揮下本
路監司或師臣採訪利害如臣所言有一事一件稍涉
虛誕甘俟誅戮若萬分有一可以採用即乞更張茶禁
以便遠民或限數收買或量減息錢則山鄉茶戶不勝
至幸

欽定四庫全書

淨德集
卷一

貼黃

臣體問得六月以後猶有晚茶一色貴者每斤三十
文若盡收買所出之息亦不甚多緣逐處自開場至
今買獲茶貨旋行出賣稍有厚利如或朝廷謂此成
法難便改更即乞自六月一日以後權住收買放令
衷私交易所貴園戶留得晚茶一二分盡價賣與客
旅稍助生計亦遺秉滯穗與民之義伏乞聖明特賜
採察

欽定四庫全書

淨德集
卷一

淨德集卷一